

দ্বীনিয়াত মুয়াল্লিমা কলেজের অনলাইন কোর্সের পথচলা শুরু

পূর্বের কলম প্রতিবেদক: দ্বীন ইসলামের বুন্যাদি শিক্ষা প্রদানের লক্ষ্যে বিশেষ ভূমিকা রাখছে হাওড়ার দ্বীনিয়াত মুয়াল্লিমা কলেজ। ক্যাম্পাসে গিয়ে যেমন শিক্ষা অর্জনের সুযোগ দেওয়া হয়, তেমনি অনলাইনে বিশেষ কোর্সের বন্দোবস্ত করেছে কর্তৃপক্ষ। এবার শুরু হল অনলাইন কোর্স। সোমবার সন্ধ্যায় নাত-গজল, কবিতা ইত্যাদির মাধ্যমে অনলাইনেই এক মনোঞ্জ অনুষ্টান হয়। সেই অনুষ্টানের মাধ্যমে কোর্সের উদ্বোধন করেন দেওবন্দ বিশ্ববিদ্যালয়ের প্রফেসর মুফতি ওসমান গণি। কোর্সের উপযোগীতা

তুলে ধরার পাশাপাশি পবিত্র কুরআন পাঠের মাধ্যমে অনুষ্টানের গুভারস্ত হয়। অনুষ্টানে ছিলেন রহমতে আলম বি.এড কলেজের প্রিন্সিপাল ড. মোসারফ, দ্বীনিয়াত মুয়াল্লিমা কলেজের অনলাইনের প্রিন্সিপাল তহমিনা বেগম, ডাইরেক্টর সিদ্দিকা তাবাস্সুম প্রমুখ।

কর্তৃপক্ষ জানিয়েছে যারা উপযুক্ত পরিবেশ না পাওয়ার কারণে দ্বীন শিক্ষা অর্জন করতে পারেনি, বা যাদের সময় নেই, চাকরি করে, বিয়ে হয়ে গিয়েছে বা অফলাইনে ক্লাস করতে পারবে না তাদের জন্যেই অনলাইন কোর্স চালু হল। রোজ সন্ধ্যা সাতটা থেকে নটা

পর্যন্ত ক্লাস হবে। দ্বীনিয়াত কলেজের তরফে জানানো হয়েছে, রাজ্যের প্রায় সব জেলারই মেয়েরা ভর্তি হয়েছে। কলেজের সম্পাদক সেখ হায়দার আলি বলেন, দু'টি ব্যাচ-এর ক্লাস শুরু হয়েছে। আগামী ১৬ ফেব্রুয়ারি আরও দু'টি ব্যাচের ক্লাস শুরু হবে। কয়েকটি সিট খালি আছে আশ্রী ছাত্রীরা ভর্তি হতে পারে। প্রসঙ্গত, দ্বীনিয়াত কলেজে কুরআন, হাদিস, আক্বাইদ, তারবিয়াত, বেসিক আরবি ও উর্দু শেখানো হয়। স্বল্প ভর্তি ফি ও মাসিক ফিজ-এর মাধ্যমে দ্বীন ইসলামের শিক্ষা প্রদান করে মুয়াল্লিমা কলেজ।